

სსიპ საქართველოს მუნიციპალური განვითარების ფონდი



გამარტივებული ელექტრონული ტენდერის

დოკუმენტაცია

სატელეფონო მომსახურების შესყიდვა

(კლასიფიკატორის დანაყოფი 64210000)

ქ. თბილისი
2017 წელი

სარჩევი

1	ინსტრუქცია ტენდერში მონაწილეთათვის	3
2	ტექნიკური დოკუმენტაცია	4
3	სახელმწიფო შესყიდვის შესახებ ხელშეკრულების პროექტი	5
4	დანართი N1 - სატენდერო წინადადების ფასი, ფასების ცხრილი (ხარჯთაღრიცხვა)	9
5	დანართი N2- გასაწევი მომსახურების ტექნიკური დავალება	11
6	დანართი N3 - რეკვიზიტები	12

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრედენდენტს არა აქვს უფლება წარმოადგინოს ალტერნატიული სატენდერო წინადადება

2. ტექნიკური დოკუმენტაცია

2.1 როგორც იურიდიული ასევე ფიზიკური პირებისათვის სახელმწიფო შესყიდვების ერთიან ელექტრონულ სისტემაში ასატვირთი ინფორმაცია:

ა) სატენდერო წინადადების ფასი, ხარჯთაღრიცხვა დანართის N1 მიხედვით - პრეტენდენტ(ებ)მა დანართში N1 უნდა შეავსოს მხოლოდ ის გრაფები, რომელიც ივსება პრეტენდენტის მიერ, ხოლო სხვა დანარჩენი ინფორმაციის შეცვლის უფლება პრეტენდენტს არ გააჩნია.

ბ) სატელეფონო მომსახურების ტარიფები სხვა მიმართულებებზე, რომელიც მოცემული არ არის დანართში #1 (აღნიშნული ტარიფები არ გამოიყენება სატენდერო წინადადების ფასის დაანგარიშებისას)

გ) თანხმობა სატენდერო დოკუმენტაციის ტექნიკურ დავალებზე - დანართი N2;

გ) რეკვიზიტები სატენდერო დოკუმენტაციის დანართის N3 მიხედვით;

დ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში);

2.2. სატენდერო წინადადების ფასი

2.2.1 პრეტენდენტმა უნდა წარმოადგინოს სატენდერო წინადადების დანართი #1-ის მიხედვით.

2.2.2 სატენდერო წინადადებაში საერთო და ერთეულის ფასი გამოსახული უნდა იყოს ლარში, შესყიდვის ობიექტის მიწოდებასთან დაკავშირებული ყველა ხარჯისა და მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით მათ შორის დღგ-ს გათვალისწინებით თუ პრეტენდენტი არის დღგ-ს გადამხდელი.

2.2.3 შესყიდვის ობიექტის სპეციფიკიდან გამომდინარე ფასწარმოქმნის ადექვატურობის დასაბუთება არ მოითხოვება.

2.3 . ტექნიკური დავალება, მომსახურების გაწევის ადგილი და ვადები.:

ტექნიკური დავალება, მომსახურების გაწევის ადგილი და ვადები მოცემულია სატენდერო დოკუმენტაციის დანართში N2.

2.4. ანგარიშსწორების პირობები

2.4.1. ანგარიშსწორება მოხდება უნაღდო ანგარიშსწორებით ლარში.

2.4.2. ანგარიშსწორება მოხდება თვეში ერთხელ კალენდარულ თვეში ფაქტობრივად მიწოდებული მომსახურების შესაბამისად გამორმებული მიღება-ჩაბარების აქტის საფუძველზე, მიმწოდებლის მიერ საგადასახადო ანგარიშფაქტურის წარმოდგენიდან 10 სამუშაო დღის განმავლობაში (იმ შემთხვევაში თუ მიმწოდებელი არის დღგ-ს გადამხდელი).

2.4.3. წინასწარი ანგარიშსწორება (ავანსი) არ გამოიყენება.

2.5. დაფინანსების წყარო - მსოფლიო ბანკი, რეგიონალური განვითარების მესამე პროექტი

2.6. ხელშეკრულების შესრულების უზრუნველყოფის საბანკო გარანტია - არ გამოიყენება;

2.7. დამატებითი ინფორმაცია:

2.7.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.7.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.7.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.7.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

2.7.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირი არის სატენდერო კომისიის კომისიის მდივანი ირაკლი ფარსიშვილი ან სატენდერო კომისიის აპარატის წევრი ნესტორ ფაცაცია ან გიორგი ბულიაშვილი. ტელ: 2437001; 2437002/03/04, შიდა ნომერი: 444 ან 414.

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი.

3. ხელშეკრულება სახელმწიფო შესყიდვის შესახებ #RDP3/ET/NCS/ ____

ქ. თბილისი

„.....“ „.....“ ____ წ

ხელშეკრულების დამდები მხარეები

ერთის მხრივ, სსიპ საქართველოს მუნიციპალური განვითარების ფონდი (შემდგომში - „შემსყიდველი“)

წარმოდგენილი მისი აღმასრულებელი დირექტორის _____ სახით

და მეორეს მხრივ _____ (შემდგომში „მიმწოდებელი“)

(პრეტენდენტის სამართლებრივი ფორმა და დასახელება)

წარმოდგენილი მისი _____ სახით, ვდებთ წინამდებარე

(უფლებამოსილი პირის თანამდებობა და სახელი)

ხელშეკრულებას შემდეგზე:

1. ხელშეკრულების ღირებულება

1.1. შემსყიდველმა გამოაცხადა 2017 წლის სახელმწიფო შესყიდვების გეგმის თანახმად, სსიპ საქართველოს მუნიციპალური განვითარების ფონდის სატელეფონო მომსახურების უზრუნველსაყოფად (კლასიფიკატორის კოდი - (CPV-64210000) სახელმწიფო შესყიდვის მიზნით გამარტივებული ელექტრონული ტენდერი (#SPA _____) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება _____ ლარად (შემდგომში ხელშეკრულების ღირებულება).

1.2. მისაწოდებელი მომსახურების ჩამონათვალი, ერთეულის ფასები და საერთო ფასი მოცემულია ხელშეკრულების დანართში N1 (სატენდერო დოკუმენტაციის დანართი N1), რომელიც წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების შესრულების კონტროლი

2.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

2.2 ხელშეკრულების მიმდინარეობის კონტროლის მიზანს წარმოადგენს:

2.2.1 მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

2.2.2 მიწოდებული მომსახურების ხარისხის ხელშეკრულების მოთხოვნებთან - ხელშეკრულების დანართით №2 (სატენდერო დოკუმენტაციის დანართი N2) გათვალისწინებულ ტექნიკურ დავალებასთან შესაბამისობის დადგენა, მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში შესაბამისი ინსპექტირების დასკვნის შედგენა .

2.2.3 საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.3 ხელშეკრულების შესრულების კონტროლს ახორციელებს სსიპ საქართველოს მუნიციპალური განვითარების ფონდის _____

3. შესყიდვის ობიექტის ტექნიკური დავალება

3.1 შესყიდვის ობიექტის ტექნიკური დავალება მოცემულია ხელშეკრულების დანართში N1 (სატენდერო დოკუმენტაციის დანართში N1), ხოლო მისაწოდებელი მომსახურების ჩამონათვალი მოცემულია ხელშეკრულების დანართში N2 (სატენდერო დოკუმენტაციის დანართში N1), რომლებიც წარმოადგენენ წინამდებარე ხელშეკრულების განუყოფელ ნაწილს.

4. მომსახურების მიწოდების ადგილი, პირობები და ვადები

4.1 მომსახურების გაწევა განხორციელდება ხელშეკრულების დანართში #1 (სატენდერო დოკუმენტაციის დანართში N1) და N2 (სატენდერო დოკუმენტაციის დანართში N2) გათვალისწინებული პირობების დაცვით.

4.2. დანართი N1 და დანართი N2 წარმოადგენს წინამდებარე ხელშეკრულების განუყოფელ ნაწილს

5. მომსახურების მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება თვეში ერთხელ, კალენდარული თვის განმავლობაში ფაქტიურად გაწეული მომსახურების მიხედვით გაფორმებული მიღება-ჩაბარების აქტის საფუძველზე.

5.2. ყოველი საანგარიშო თვის დასრულებიდან არაუგვიანეს 10 (ათი) სამუშაო დღეში „მიმწოდებელი“ „შემსყიდველს“ წარუდგენს გაწეული მომსახურების შესახებ მიღება-ჩაბარების აქტს და **საგადასახადო ანგარიშ-ფაქტურას დადგენილი წესის მიხედვით (იმ შემთხვევაში თუ მიმწოდებელი დღგ-ს გადამხდელია)**

5.3 იმ შემთხვევაში თუ, მიწოდებული მომსახურება შეესაბამება ხელშეკრულების დანართით №2 გათვალისწინებულ მოთხოვნებს, ხელშეკრულების 2.3. პუნქტით განსაზღვრული პირი მიღება-ჩაბარების აქტის საფუძველზე ახორციელებს მომსახურების მიღებას, ხოლო თუ, მომსახურების მიწოდების პროცესში გამოვლინდება, რომ გაწეული მომსახურება არ აკმაყოფილებს ხელშეკრულების დანართით №2 გათვალისწინებულ მოთხოვნებს, ხელშეკრულების 2.3. პუნქტით განსაზღვრული პირი ადგენს შესაბამის ინსპექტირების დასკვნას, ხოლო შემსყიდველს უფლება აქვს არ მიიღოს ნაკლოვანი მომსახურება.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, ფაქტიურად მიწოდებული მომსახურების ღირებულების შესაბამისად.

6.2 ანგარიშსწორება განხორციელდება მიმწოდებლის საბანკო რეკვიზიტებზე.

6.3 ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტის და **საგადასახადო ანგარიშ-ფაქტურის** საფუძველზე **(იმ შემთხვევაში თუ მიმწოდებელი დღგ-ს გადამხდელია).** თვეში ერთხელ ფაქტიურად მიწოდებული მომსახურების შესაბამისად.

6.4 ანგარიშსწორება მიმწოდებელთან განხორციელდება მიმწოდებლის მიერ ხელშეკრულების 6.3. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. შემსყიდველს მიაწოდოს შესყიდვის ობიექტი ხელშეკრულების პირობების განუხრელი დაცვი;

7.1.2. მიმწოდებლის მიზეზით სააბონენტო ნომრებზე სატელეფონო კავშირის შეწყვეტის შემთხვევაში, არ დააკისროს შემსყიდველ ორგანიზაციას სააბონენტო გადასახადი სატელეფონო კავშირის შეწყვეტის დროის პროპორციულად.

7.1.3. უზრუნველყოს კომუნიკაციების ეროვნული კომისიის მიერ განსაზღვრული პარამეტრებით, ხარისხიანი სატელეფონო კავშირი;

7.1.4. მიაწოდოს შემსყიდველ ორგანიზაციას გაწეული მომსახურების ანგარიში დადგენილი ფორმის და წესის შესაბამისად.

7.1.5. შეუზღუდავად და უწყვეტად უზრუნველყოს სატელეფონო კავშირი;

7.1.6. დადგენილი წესების მიხედვით და დაწესებულ ვადებში აღმოფხვრას შესყიდვის ობიექტის მიწოდების პროცესში გამოვლენილი ნაკლოვანებები;

7.1.7. 5 სამუშაო დღის ვადაში განიხილოს წერილობით შემოსული შემსყიდველის პრეტენზია და გასცეს დასაბუთებული წერილობითი პასუხი;

7.1.8. უზრუნველყოს შემსყიდველი შესაძლებლობით, მიიღოს ინფორმაცია მისი დავალიანების ოდენობის შესახებ.

7.1.9. შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ.

7.1.10. აღმოფხვრას მიმწოდებლის მიზეზით გამოწვეული დაზიანებები აღმოფხვრის მაგისტრალური კაბელის დაზიანების შემთხვევაში 5 (ხუთი) სამუშაო დღის ვადაში, სხვა სახის დაზიანების შემთხვევაში 2 (ორი) სამუშაო დღის ვადაში.

7.1.11. დაიცვას ხელშეკრულებით გათვალისწინებული ყველა პირობა;

7.1.12. მოახდინოს გაწეული მომსახურების დეტალური ინფორმაციული უზრუნველყოფა;

7.1.13. უზრუნველყოს დაწესებული გამავალი ზარის წუთობრივი ლიმიტის კონტროლი და შესაბამისი წუთობრივი ლიმიტის ამოწურვის შემთხვევაში შეწყვიტოს შესაბამისი გამავალი ზარის მიმართულებით მომსახურების მიწოდება.

7.2. „შემსყიდველი“ ვალდებულია:

7.2.1. არ მოახდინოს ტელეფონის თვითნებური გადატანა ან არამიზნობრივად დატვირთვა;

7.2.2. არ მოახდინოს არასერტიფიცირებული მოწყობილობების არალეგალური მიერთება სატელეფონო წყვილზე.

7.2.3. შეატყობინოს მიმწოდებელს მესამე პირების მიერ მისივე სატელეფონო ქსელზე არასანქცირებული მიერთებების შესახებ.

7.2.4. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება.

7.2.5. დროულად განიხილოს "მიმწოდებლის" მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.6. დაიცვას ხელშეკრულებით გათვალისწინებული ყველა პირობა.

8. მხარეთა უფლებები

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.1.2. „მიმწოდებელი“ არ არის ვალდებული „შემსყიდველის“ ქმედებით გამოწვეული დაზიანების შემთხვევაში შეაკეთოს მის ოფისში არსებული შიდა ქსელი. დაზიანების შეკეთება ჩაითვლება ფასიან სერვისად და საფასური განისაზღვრება ინდივიდუალურად დაზიანებიდან გამომდინარე.

8.2. „შემსყიდველს“ უფლება აქვს:

8.2.1. აწარმოოს ხელშეკრულების პირობების შესრულების მონიტორინგი.

8.2.2. თავისი შეხედულებისამებრ ისარგებლოს მომსახურებით დღე-ღამის ნებისმიერ მონაკვეთში და გამოიყენოს იგი ნებისმიერი მიზნებისათვის, გარდა მოქმედი კანონმდებლობით აკრძალულისა.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების არაჯეროვნად ან შეუსრულებლობის შემთხვევაში მხარეებს ეკისრებათ პირგასამტეხლო ხელშეკრულების საერთო ღირებულების 0,3%-ის ოდენობით, ყოველ ვადაგადაცილებულ დღეზე.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მეორე მხარეს უფლება აქვს შეწყვიტოს ხელშეკრულება.

14. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

14.1. მხარეთა შეთანხმებით;

14.2. ხელშეკრულების 13.3. პუნქტით გათვალისწინებული პირობის არსებობისას;

14.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2018 წლის 3 მარტის ჩათვლით.

16. განსაკუთრებული პირობები

16.1 ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს;

16.2 ხელშეკრულების ერთი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.

მომსახურების ფასები

#	მომსახურების დასახელება	განზომილება	რაოდენობა (**)	ერთეულის ფასი (*) (ლარი)	საერთო ფასი (*) (ლარი)
1	2	3	4	5	6
1	E1 არხის ორგანიზება წარმადობით 2/მგზ/წმ (***)	ცალი	1	0,00	0,00
2	ყოველთვიური სააბონენტო მომსახურება 6 ტელეფონის ნომერზე (***)	თვე	12	0,00	0,00
3	ადგილობრივი სატელეფონო საუბრები (შიდა ლოკალური) მიმწოდებლის აბონენტებთან, მათ შორის საქალაქთაშორისო საუბრები (***)	წუთი	შეუზღუდავი	0,00	0,00
4	ადგილობრივი სატელეფონო საუბრები (შიდა ლოკალური) სხვა ქსელის აბონენტებთან, მათ შორის საქალაქთაშორისო საუბრები	წუთი	50000		
5	საუბრები ადგილობრივი მობილური სატელეფონო ქსელის აბონენტებთან	წუთი	5000		
6	საინფორმაციო მომსახურება 118-08, 118-09 და სხვა უზრუნველყოფა	ინფო	500		
	საერთაშორისო გამავალი ზარი აბონენტის ფიქსირებულ ნომერზე (მობილურის ჩათვლით)	იხილეთ ჩამონათვალი			
7	სომხეთი	წუთი	40		
8	აზერბაიჯანი	წუთი	80		
9	ირანი	წუთი	10		
10	ბელორუსია	წუთი	30		
11	თურქმენეთი	წუთი	10		
12	ყაზახეთი	წუთი	10		
13	უზბეკეთი	წუთი	10		
14	ლიტვა	წუთი	100		
15	ლატვია	წუთი	100		
16	ესტონეთი	წუთი	90		
17	უკრაინა	წუთი	90		
18	რუსეთი	წუთი	100		
19	მოლდოვა	წუთი	60		
20	ავსტრია	წუთი	20		
21	ბელგია	წუთი	30		
22	ჩეხეთი	წუთი	60		
23	დანია	წუთი	30		
24	საფრანგეთი	წუთი	30		
25	გერმანია	წუთი	200		
26	ისრაელი	წუთი	30		
27	იტალია	წუთი	60		
28	საბერძნეთი	წუთი	10		
29	ნორვეგია	წუთი	30		
30	ირლანდია/ისლანდია	წუთი	15		
31	პოლონეთი	წუთი	60		
32	რუმინეთი	წუთი	60		
33	ესპანეთი	წუთი	60		
34	შვედეთი	წუთი	100		
35	ნიდერლანდების სამეფო	წუთი	30		
36	შვეიცარია	წუთი	30		
37	დიდი ბრიტანეთი	წუთი	150		
38	ლუქსემბურგი	წუთი	10		
39	თურქეთი	წუთი	60		
40	ა.შ.შ	წუთი	100		

1	2	3	4	5	6
41	კანადა	წუთი	10		
42	ავსტრალია	წუთი	20		
43	არგენტინა	წუთი	10		
44	ბრაზილია	წუთი	10		
45	რუანდა	წუთი	10		
46	სამხრეთ აფრიკა	წუთი	30		
47	გაერთიანებული არაბეთის ემირატები	წუთი	30		
48	იაპონია	წუთი	30		
49	სამხრეთ კორეა	წუთი	20		
50	ბაჰრეინი	წუთი	20		
51	ინდონეზია	წუთი	10		
52	ინდოეთი	წუთი	200		
53	ჩინეთი	წუთი	30		
				სულ, ფასი:	

(*) სატელეფონო მომსახურების ღირებულებები მოცემული უნდა იყოს შემსყიდველი ორგანიზაციის მიერ განსაზღვრული ფორმის მიხედვით (სატენდერო დოკუმენტაციის დანართი N1). სატელეფონო მომსახურების ღირებულებაში გათვალისწინებული უნდა იყოს აღნიშნული მომსახურების გაწევისთვის ყველა საჭირო ხარჯი და მოქმედი კანონმდებლობით გათვალისწინებული ყველა გადასახადი, მათ შორის დღგ თუ მიმწოდებელი დღგ-ს გადამხდელია. ელექტრონული ვაჭრობის შედეგად (ასეთის არსებობის შემთხვევაში) კორექტირებულ ხარჯთაღრიცხვით გათვალისწინებული ერთეულის ფასი არ შეიძლება აღემატებოდეს თავდაპირველად შემოთავაზებულ ერთეულის ფასს.

(*) დანართით N1 წარმოდგენილი ტარიფები არ უნდა აღემატებოდეს მიმწოდებლის ოფიციალურ მითითებული სატელეფონო კავშირის დეტალურ ტარიფებს.

(**) რაოდენობა შესყიდვის ობიექტის თავისებურებიდან გამომდინარე წარმოადგენს პირობით მოცულობებს. სახელშეკრულებო თანხის ფარგლებში შესაძლებელია რომელიმე პოზიცია შემსყიდველის მიერ სრულად ვერ იქნეს ათვისებული ან რომელიმე მიმართულებაზე გაზრდილი მოთხოვნის გამო მოხდეს გადაჭარბება.

(***) იმ გრაფებში სადაც ერთეულის ფასი და საერთო ფასი განსაზღვრულია ნულოვანი ტარიფით და მითითებულია „0,00“ არ უნდა შეიცვალოს, აღნიშნული მომსახურება მიმწოდებელმა უნდა გაწიოს ნულოვანი ტარიფით.

პრეტენდენტის დასახელება

ხელმოწერა და ბ.ა. (ბეჭდის არსებობის შემთხვევაში)

სატელეფონო ნომრების ჩამონათვალი, ტექნიკური დავალება და მიწოდების ვადები

სატელეფონო ნომრების ჩამონათვალი და ტექნიკური დავალება

1. მიმწოდებელმა კომპანიამ უნდა უზრუნველყოს, მუნიციპალური განვითარების ფონდის კუთვნილი ციფრული სატელეფონო სადგურის (Panasonic KX-TDA200) გამოყენებით, ოფისის 6 სატელეფონო ნომრით 2437001, 2437002, 2437003, 2437004, 2437070, ფაქსი - 2437077 მომსახურება მისამართზე ქ.თბილისი დ.აღმაშენებლის გამზ. #150.
2. ტენდერში გამარჯვებულმა უნდა უზრუნველყოს მოცემული სატელეფონო ნომრების პორტირება საკუთარ ქსელში და შემდგომი მომსახურება.
3. მიმწოდებელმა მომსახურების მიწოდება უნდა განახორციელოს ხარისხიანად და აღნიშნული მომსახურებისათვის დადგენილი სტანდარტების მიხედვით.
4. სატელეფონო ზარის დამრგვალება უნდა მოხდეს 1 წამის სიზუსტით.
5. მიმწოდებელმა მომსახურების მიწოდებისას უნდა უზრუნველყოს საინფორმაციო (08, 09 და სხვა) მომსახურება.
6. მიმწოდებელი ვალდებულია უზრუნველყოს სატელეფონო ნომრებზე სახელშეკრულებო თანხის შესაბამისი ლიმიტის დაწესება.
7. ყოველი თვის მომსახურების მიღება-ჩაბარების აქტის გაფორმების მიზნით მიმწოდებელმა უნდა წარმოადგინოს გაწეული მომსახურების დეტალური ამონაწერი.

მიწოდების ვადები

მომსახურების მიწოდება უნდა განხორციელდეს 2017 წლის 1 თებერვლიდან და განხორციელდეს უწყვეტად 2018 წლის 31 იანვრის ჩათვლით (12 თვე).

პრეტენდენტის დასახელება

ხელმოწერა და ბ.ა. (ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკი:

ბანკის კოდი:

ანგარიშის ნომერი:

პრეტენდენტის დასახელება

ხელმოწერა და ბ.ა. (ბეჭდის არსებობის შემთხვევაში)